



UNIVERSITÄTS-
BIBLIOTHEK
PADERBORN

**Series Episcoporum Archiepiscoporum Et Electorum
Moguntinorum, Trevirensium Et Coloniensium**

Kolb, Gregor

Rottwilae, 1725

VD18 12054054

§.5. In Serie Salisburgensi.

[urn:nbn:de:hbz:466:1-64326](#)

Pag. 788. D. Heribertum primum Coloniæ Electorem cùm D. Henricus Imperator propitio non dignaretur oculo, Dei monitum adeò mutavit Imperatorem, ut ab eodem tempore suum dixerit in Christo parentem Heribertum Henricus. Ceterū inter miracula D. Heriberti numerantur sequentia: energumeni à dæmone liberatio. Aqua supra Archipræfus hujus effusa manus adversùs morbos fuit præsens remedium. Vinum, cui D. Heribertus digitum intingebat, usum oculorum fœminæ restituit. Signo crucis sanavit paraliticum. Precibus suis cœlestem lucem latissimè diffusam impetravit. D. Henrico Cæsari diem mortis prædixit. Taceo plura alia.

Pag. 789. & seqq. Piligrimus Coloniæ Elector ex D. Bernvaldo Hildesiensi Episcopo etiamnum puer intellectus, fore se Archiepiscopum Colonensem. Parochus dein prope Coloniam constitutus, D. Henrico Cæsari divinitus commendatur. Piligrimus etiam ad aram faciens intelligit ex cœlesti nuntio mortem D. Bernvaldi, pro cuius tanquam mortui salute populo obstupefacto preces addidit publicas, tametsi pro vivis solenni ritu celebraret.

Anno Elector Henrico III. Cæsari prædixit Imperii Coronam, Hildolpho autem Successori Colonensem Infulam Pag. 793. & 798.

§. 5.

IN SERIE SALISBURGENSI.

Pag. 11. Seculo Christi III. S. Maximilianum Archiepiscopum, ut idolum Martis effigiem referens fortiter in Pannonia impugnaret, animavit hunc in modum vox cœlestis: *ne timeas servire bone, sed surge & confidenter perge, ut confundas tyranni petulantiam.*

Pag. 27. cùm seculo VII. S. Vitalis sepulchro immineret homo ad quidvis audendum pronissimus, & negaret magni nominis sepultum hic esse Episcopum; tunc repente ex corde reli-

cti

Etī sacri cadaveris enatum est, penetrato etiam lapide sepulchrali, līlīum, Sanctitatis eximiae testimonium.

Pag. 41. Hartvvcus Seculi X. Archiepiscopus, cùm hyberno tempore proficiseretur per vallem Pliembachensem, decerpit ex arbore arida fragmen aridum, quod non minùs cœpit florere, quām virga Aaronis.

Pag. 42. Bertholdus adolescens literis navans operam unā cum Sociis non imparis nobilitatis Altmanno & Adalberone, cùm fortè inter se ē questionibus luderent, vel certarent, quid sibi inter mortales optimum optarent aut eligerent, respondit Gebhardus, se optare sibi Archiepiscopatum Salisburgensem; Adalbero Episcopatum Herbipolensem; Altmannus verò Passaviensem. Potiū forte divina, quām humana evenisse omnia, rerum eventus monstravit testibus miraculis clarissimis; nam cùm Altmannus ab Henrico IV. Schismatico Cæsare plurimū vexatus Romam venisset animo omni penitus dignitati & honori nuntium remittendi; nihilominus Gregorius VII. Pont. Passaviensem Episcopatum eidem denuo commissum diceret, columba cœlestis in æde omnibus conspicua insedit humeris Altmanni, testis utique universis acceptissima.

Par miraculo videri etiam poterat, quod pari tempore & animo constantissimo Henrico IV. Imperatori restiterint, & Ecclesiam Germanicam, à multis sceleribus immunem magna ex parte conservârint pari propemodum tempore mortui, nimirum Gebhardus an. 1088. Adalbero an. 1090. & Altmannus an. 1092.

Pag. 47. S. Thiemo à pseudo-Archipræsule suo Bertholdo multa, ab Henrico autem IV. Imp. plura acerba passus, à Cæsareanis denique captus, & in præsentia multis è Salisburgen-sium numero capite plexis, cùm ipse jamjam plectendus, caput iētui ferali subdere pararet, ferrum occulta vi impeditum, intentato secundo iētu instar fragilis vitri disruptum adeò commovit ministrum justitiæ, ut corām flagitārit veniam à D. Ar-

E e 2 chipræ.

chipræsule. Idem Archipræsul in Palæstinam profectus , præsente Sultano Ægyptiaco pronuntiatis altè SS. Triadis nominibus imaginem dæmonis in mille dissolvit frustra , ob miraculosum hoc factum Martyr invictissimus passus an. 1101. Martyrium durissimum.

Pag. 52. & seqq. emissò à parentibus voto conceptus Eberhardus filius , quantus sit futurus prodidere ova gemina præter & supra morem naturæ à gallina quappiam posita. Idem successu temporis orationi perpetuæ intentus , cùm aliquando consecratam hostiam , ut vocamus , ægrotanti porrigeret , verū hic eandem subito ex ore cum vomitu redderet , Archiepiscopus supposita manu utrumque excepit , & absorbuit , testatus sanctissimè , præ alia quavis cupidine sapuisse sibi hunc cibum cœlestem. Requisitus paulò post ab eodem Eberhardo æger , haud amplius est inventus , opinantibus inde plerisque , ægrum hunc ipissimum fortè fuisse Christum Servatorem nostrum.

Idem à dæmone hominem durissimum in modum torquente inventus est idoneus , qui infernali hospite miserrimum mancipium liberaret ; cùm responderet exorcismis adactus nebulo : *nemo me pellet , nisi pater pauperum.* Cæterum sepulchrum hujus Archipræfus multis inclaruit miraculis.

§. 6.

IN SERIE VISUNTINA.

Pag. 349. cùm D. Justus cum morte luctaretur , ex ejusdem ore beata anima instar candidæ columbae ad cœlos ascendit.

Pag. 351. S. Germanus à latronibus oppressus audiit vocem de cœlo delapsam , qua animatus caput securi subdidit : percussa autem D. Martyris cervice terra adeò contremuit , ut collaborentur mænia urbis Grandisfontanæ. Truncus corporis interea stans erectus recepto in manus capite abiit Angelo comite , luce clara duce , supra collum sedente columba cœlesti.

Pag.